

SKIPULAGSSKRÁ fyrir ABC barnahjálpar International.

1. gr.

Skilgreining og heiti, heimili og varnarþing.

ABC barnahjálpar International (hér eftir nefnt ABC) er sjálfseignarstofnun með heimili og varnarþing í Kópavogi.

2. gr.

Eðli ABC.

ABC er byggð á kristnum gildum með kærleiksboðorðin í huga að okkur beri að elska náungann eins og okkur sjálf og bera hvers annars byrðar þannig að við sýnum í verki að Guð er faðir föðurlausra og hann réttir þeim hjálparhönd sem eru þurfandi og þjáðir.

3. gr.

Tilgangur.

Tilgangur ABC er að styðja fólk, einkum börn og unglinga, til sjálfbærni. ABC má láta neyðarhjálp til sín taka, einkum ef það er þáttur í að ná fyrrgreindu markmiði.

4. gr.

Hvernig tilgangi skal náð.

Tilgangi sínum hyggst stofnunin ná með því að

- stofna sjálfseignarstofnanir í hinum ýmsu löndum sem starfa undir regnhlíf ABC,
- móta stefnu, starfsreglur og siðareglur starfseminnar í heild,
- finna samstarfsaðila og starfsfólk í hinum ýmsu löndum,
- skilgreina og meta verkefni og halda lista yfir þau fyrir gjafalöndin til að velja af,
- fylgjast með starfi ABC í hinum ýmsu löndum og halda utan um það eftir þörfum,
- tryggja með þessum hætti að sem flestum börnum megi koma til hjálpar, þau fái varanlega hjálp með menntun, fæði, læknishjálpar, fatnaði og húsnæði þar sem þess er þörf,
- koma upp heimilum fyrir heimilisláus börn, heimavistum og skólum, þ.m.t. framhaldsskólum, svo börn geti útskrifast með starfsheiti og/eða prófgráður.

5. gr.

Stofnfé og stofnendur.

Stofnfé stofnunarinnar er kr. 700.000. Er það lagt til af Vínafélagi ABC barnahjálpar og ABC barnahjálpar á Íslandi með framlögum velunnara. Stofnfé skal ávaxtað á hávaxtareikningi. Stofnendur stofnunarinnar eru Guðrún Margrét Pálsdóttir og Hannes Lentz.

6. gr.

Tekjur.

Tekjur stofnunarinnar eru fyrst og fremst gjafafé og fjáraflanir.

7. gr.

Stjórn stofnunarinnar.

Æðsta vald stofnunarinnar er stjórn hennar.

Stjórn stofnunarinnar skal skipuð 3 mönnum.

Kjörtímabil stjórnarmanns er þrjú ár.

Um leið og einhver lætur af stjórnarstörfum velur meirihluti stjórnar nýjan stjórnarmann í hans stað.

Stjórnin skiptir sjálf með sér verkum.

8. gr.

Boðun stjórnarfundar.

Stjórnarfundur skal boðinn með þriggja sólarhringa fyrirvara hið skemmsta. Boðuninni skal fylgja dagskrá fundarins. Formaður annast boðun stjórnarfundar en varaformaður í forföllum hans. Það veldur ekki ógildi stjórnarfundar þótt boðinn sé til þeirra með skemmri fyrirvara. Jafnframt geta 2/3 fundarmanna samþykkt að taka mál á dagskrá sem ekki voru nefnd í fundarboði. Stjórnarmaður sem ekki var mættur á fund sem boðinn var til með of skömmum fyrirvara eða mætti ekki á fund þar sem nýtt mál var tekið á dagskrá sem ekki fylgdi fundarboði, getur krafist þess að boðinn verði til nýs fundar með tilkynningu til stofnunarinnar sem send skal innan sólarhrings eftir að hann fær vitneskju um afgreiðslu fundarins. Skal ákvörðun fundarins þá ekki framfylgt fyrr en nýr stjórnarfundur hefur verið haldinn og málefnið afgreitt að nýju.

Skýlt er að boðinn stjórnarfundar ef tveir stjórnarmenn krefjast þess. Sé ekki boðinn til stjórnarfundar innan þriggja sólarhringa frá því að krafa berst þar um geta þeir staðið að boðun fundarins sjálfir.

9. gr.

Stjórnarfundir.

Stjórnarfundur má halda með eftirgreindum hætti:

- a. Með því að stjórnin komi saman á ákveðnum stað.
- b. Með fjarfundarbúnaði.
- c. Með hverjum þeim hætti sem menn kjósa svo fremi að umræður geti farið fram milli stjórnarmanna um þau málefni sem rædd eru og allir komið sjónarmiðum sínum að áður en málið er afgreitt.

Afl atkvæða ræður niðurstöðu mála á stjórnarfundum.

10. gr.

Fjármál stofnunarinnar.

Stjórn ABC ber ábyrgð á fjármálum stofnunarinnar. Skal hún gæta þess að bókhald sé í lögbundnu horfi í hvítvetna, svo og ársreikningar. Ber stjórnin ábyrgð á að hvort tveggja sé í lögum á horfi.

11. gr.

Endurskoðun.

Ársreikningar ABC skulu endurskoðaðir af löggiltum endurskoðanda sem stjórn ABC velur.

12. gr.

Framkvæmdastjórn.

Stjórn ABC getur kosið framkvæmdastjóra. Einnig er stjórn ABC heimilt að veita prókúru-umboð.

13. gr.

Breytingar á skipulagsskrá.

Skipulagsskrá þessari má breyta af 2/3 hluta stjórnarmanna. Sömuleiðis geta 2/3 hlutar stjórnarmanna vikið manni úr stjórn og kosið nýjan.

Allar breytingar á skipulagsskrá þessari þarfnast samþykkis sýslumannsembættisins á Norðurlandi vestra.

14. gr.

Niðurlagning stofnunarinnar.

Ákveði stjórn að leggja ABC niður skulu eignir renna til ABC barnahjálpar á Íslandi. Til að leggja ABC niður þarf samþykki 2/3 hluta stjórnarmanna.

Niðurlagning stofnunarinnar þarfnast samþykkis sýslumannsembættisins á Norðurlandi vestra.

15. gr.

Ákvæði til bráðabirgða.

Fyrsta stjórn stofnunarinnar er valin af stofnendum og samþykkt á stofnfundi.

16. gr.

Staðfesting skipulagsskrárinnar.

Skipulagsskrá þessi tekur gildi við samþykki sýslumannsembættisins á Norðurlandi vestra.

Skipulagsskrá þessi kemur í stað skipulagsskrár nr. 896/2007 sem staðfest var upphaflega þann 23. maí 2007.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá nr. 19/1988.

F.h. sýslumannsins á Norðurlandi vestra, 3. febrúar 2016,

Björn Hrafnkelsson.

Auður Steingrimsdóttir.